

starogradski

haber

OPĆINA STARI GRAD
SARAJEVO



MUNICIPALITY OF STARI
GRAD SARAJEVO

BESPLATAN PRIMJERAK • DECEMBAR, 2017. broj 36.

Obilježen jubilej Općine Stari Grad Sarajevo



- 2-3 Novogodišnja press konferencija Općine Stari Grad
- 4-5 Ljepši veseliji Stari Grad
- 8-9 Infrastruktura
- 10-11 Obilježavanje jubileja
- 16-17 Sport u Starom Gradu
- 18 Atari u Starom Gradu



Impressum

- Izdavač:** Općina Stari Grad Sarajevo
- Tiraž:** 2.000
- Pripremili:** Almedina Porča
Alma Imamović
Nedim Šahović
- DTP:** Pentagram d.o.o.
- Fotografije:** Safet Mališević
- Štampa:** "Pentagram" d.o.o.
- Adresa:** Zelenih beretki br. 4
71000 Sarajevo
- web:** www.starigrad.ba
- e-mail:** info@starigrad.ba
- Tel./fax:** +387 33 282 385
+387 33 217 916



Izveštaj

Predstavljene poslovni rezultati Općine Stari Grad u 2017. godini

- Ulaganja u infrastrukturu, obrazovanje, socijalne programe, podrška boračkoj populaciji ● Otvorena dva centra za osobe treće životne dobi ● Očišćeno korito Miljacke, opremljene službe zaštite i spašavanja ● Građena nova dječija igrališta**



Sa novogodišnje press konferencije

Općina Stari Grad Sarajevo uspješno je završila još jednu poslovnu godinu. Na novogodišnjoj press konferenciji, održanoj u decembru, načelnik ove općine Ibrahim Hadžibajrić kazao je da je zadovoljan onim što je urađeno u 2017. godini, iako se nailazilo na poteškoće.

Početak 2017. godine za ovu lokalnu zajednicu bio je u znaku otvaranja dva potpuno nova objekta – sportske sale u OŠ "Mula Mustafa Bašeskija" i Aneksa OŠ "Vrhbosna", dvije značajne investicije čija je realizacija počela ranijih godina, a završena u 2017.

"Zadovoljan sam urađenim poslom jer smo se u ovoj godini najviše bazirali na infrastrukturu, koja je u našoj općini u dosta lošem stanju. Najveći dio budžetskih sredstava u posljednje dvije godine uložili smo upravo u infrastrukturu. Osim toga, uradili smo dva velika projekta – aneks OŠ „Vrhbosna“ i sala za OŠ Mula Mustafa Bašeskija koji su koštali oko dva

Više od šest miliona od zakupnina

Služba za privredu je i u ovoj godini ulagala napore na redovnoj naplati zakupnina za poslovne prostore što je jedan od najvažnijih izvora finansiranja ove lokalne zajednice. Do decembra ove godine, nadležna služba je naplatila više od šest miliona maraka zakupnina, a nerijetko se pristupalo i deložacijama neredovnih platiša, tako da ih je u 2017. izvršeno 23.

miliona maraka, a da i ne spominjem manje projekte kao što su zidovi, klizišta i drugo,"kazao je Hadžibajrić.

Preko dva miliona maraka uloženo u infrastrukturu

U 2017. godini neke od najprometnijih i najdužih ulica u Starom Gradu rekonstruisane su i asfaltirane – u prvom redu ulice Safvet-bega Bašagića, Franjevačka, Konak, Logavina, Muse Ćazima Ćatića. Zbog



Sagrađen Aneks OŠ "Vrhbosna"

visine investicija i dužine ulica, neke od pobrojanih bit će završene u 2018. godini jer se radi kroz dvije ili tri faze. U rekonstrukcije ulica, vodovodnih i kanalizacionih mreža i potpornih zidova, u 2017. godini je uloženo preko dva miliona maraka.

Po prvi put je kvalitetno očišćeno korito rijeke Miljacke od korova i rastinja, te izvršeno čišćenje i fugiranje zidova od brane Bentbaša do Drvenije. Istovremeno, očišćenja su i korita Moščanice, Čolinog i Bistričkog potoka. Opremanje službi zaštite i spašavanja nastavljeno je i ove godine kroz kupovinu vatrogasnog vozila DVD „Vratnik“, te šljemove i opremu za policijsku stanicu Stari Grad.

Nagrada za unaprjeđenje života starijih osoba

Kao i ranijih godina značajna podrška je pružena obrazovnim institucijama, te učenicima i studentima iz Starog Grada. Osigurane su stipendije za nadarene učenike i studente, kao i one koji izučavaju deficitarne zanate, finansirane su użine za đake, ruksaci za prvaciće, školski prevoz, škole plivanja i zimovanje za osnovce, uvođenje video-nadzora u škole, podsticane sportske aktivnosti kod najmlađih kroz fudbalsku, odbojkašku, šahovsku i stonotenisku ligu. U ove projekte uloženo je oko pola miliona KM, a sa još 200.000 KM stipendirani su i učenici i studenti iz porodica boračke populacije.

Također, ova godina ostatak će upamćenja i po realizaciji projekata namijenjenih osobama treće životne dobi, tj. otvaranju prvog Centra za promociju i unaprjeđenje zdravlja u KS, kao i Centra za zdravo starenje u saradnji sa Općinom Centar. Napori Općine Stari Grad da unaprijedi život ove kategorije stanovništva prepoznati su

kroz dodjelu nagrade UN Populacijskog fonda za unaprjeđivanje života starijih osoba.

Općina je, posredstvom Sektora za lokalni razvoj i uz finansijsku pomoć donatora, ove godine realizovala više od 20 projekata. Ti projekti realizovani su na terenu, kroz otvaranje prostora za rekreaciju ili edukaciju građana, radionice, dječija igrališta, centre za stare osobe i slično, a vrijedni su dva miliona KM, od čega su donatori obezbijedili oko 1,5 milion KM, a ostatak Općina. U te projekte

mne garaže, nadziđivanje objekta Doma zdravlja Stari Grad, izgradnja sportske sale OŠ “Edhem Mulabdić” i „utopljanje“ zgrade Općine Stari Grad. Hadžibajrić je potvrdio da je u toku ratifikacija ovog sporazuma u Vijeću ministara BiH i da ne bi trebalo biti problema kod njihove realizacije, te da bi svi trebali početi istovremeno.

“U 2018. godini radit ćemo i rekonstrukciju ulice Štrosmajerova. Sa Gradskom upravom postignut je dogovor o rekonstrukciji fasada zgrada u ovoj ulici,

Mališani dobili četiri nova igrališta

Nova gradnja je nastavljena kroz projekte koji su najviše obradovali najmlađu populaciju – izgradnju dječijih igrališta. U 2017. godini izgrađena su i potpuno opremljena dječija igrališta na Sedreniku, Moščanici, Vratniku, a u toku je izgradnja na Širokači. Stotine mališana iz ovih naselja dobili su tako sigurna i kvalitetna mjesta za igru, a najavljena je realizacija ovakvih projekata i u 2018.



Igralište na Moščanici

treba ubrojati i podršku razvoju turizma kroz izradu Strategije razvoja održivog turizma, prvog mobilnog audio vodiča „Guide2Sarajevo“, Rutmap – interaktivne mape itd.

Najavljeni veliki projekti za narednu godinu

U 2017. godini zvanično je potvrđeno odobravanje kreditnih sredstava od strane Saudijskog fonda za razvoj, u vrijednosti od 30 miliona saudijskih riala. Tim sredstvima će u narednom periodu biti finansirana četiri projekta: izgradnja podze-

dok ćemo mi finansirati rekonstrukciju vodovodne mreže i popločavanje Štrosmajerove,” kazao je Hadžibajrić.

Na press konferenciji je premijerno predstavljen film o najznačajnijim projektima koje je ova lokalna zajednica realizovala u proteklih osam godina, a radi se o projektima na prostoru svih 16 mjesnih zajednica Starog Grada. Film se može pogledati na općinskoj web stranici.

Općina Stari Grad od 2017. godine posluje sa međunarodnim certifikatom ISO 9001:2015, koji je dokaz usklađenosti sa zahtjevima najnovijeg međunarodnog standarda.

Projekti

Za ljepši i veseliji Stari Grad

- Zimska turistička sezona u srcu grada

Najljepšim novogodišnjim dekoracijama ukrašene najprometnije ulice ● Održani božićni koncerti
● Zimska turistička sezona najavljena velikim vatrometom ● Bira se Najselfie sa starogradskih ulica

Općina Stari Grad dočekala je turiste koji su odlučili u Sarajevu provesti praznike ukrašenim i okićenim ulicama, a zimska turistička sezona u srcu grada najavljena je spektakularnim vatrometom. Projekat „Za ljepši i veseliji Stari Grad – Zimska turistička sezona u srcu grada“ zvanično je počeo



22.decembra programom u kojem su učestvovali: Mostarske mažoretkinje, Sarajevno Drum Orchestra i Puhački orkestar Muzičkog društva Travnik koji su uveseljavali građane defileom od Katedrale do Baščaršijskog trga. Njima se pridružio i žongler koji je grafičkim štapovima sa svjetlosnim efektima prikazivao znamenitosti Starog Grada poput Sebilja, Vijećnice i drugog.



Održani Božićni koncerti

Božićni koncert održan je 29. decembra u Velikoj sali Općine. Pred brojnom publikom nastupili su: bend „Emaus“, plesna grupa „Bellarte“, pedagoško-muzička grupa „Pravo lice“, Mladen Jeličić-Troko, Vesna Domorocki, Marija Pervan, Jakša Jurjević, Sretko Vujić, Ivana Krstanović i „Planet Poezija“. Povodom pravoslavnog Božića, Udruženje Srpsko pjevačko društvo „Sloga“ Sarajevo, održalo je koncert 11. januara, 2018. godine u prostorijama Bošnjačkog instituta-Fondacija Adil Zulfikarpašić.

Vesela povorka zaustavila se na Baščaršijskom trgu gdje se okupio veliki broj zainteresovanih građana pred kojima su nastupili korisnici Zavoda Mjedenica, te učenici osnovnih škola „Vrhbosna“, „Šejh Muhamed efendija Hadžijamaković“ i „Edhem Mulabdić“. Na ovaj način počeo je projekat „Za ljepši i veseliji Stari Grad – Zimska turistička sezona u srcu grada“.

Pahulje, zvijezde, svjetleće lampice...

Postavljene su novogodišnje dekoracije u ulicama Ferhadija, Sarači, Štrosmajerova, Baščaršijski trg, Mula Mustafe Bašeskije, Zelenih beretki i Trg fra Grge Martića. Ove ulice ukrasile su svjetleće lampice, zvijezde, pahulje, novogodišnje jelke, a kako su






potvrdili iz Sarajevo Navigatora takve dekoracije postavljene su prvi put na sarajevskim ulicama dok su se dosad mogle vidjeti na ulicama svjetskih metropola poput Rima i Pariza. Osim toga, Općina je kupila četiri velike jelke kojima je ukrašena unutrašnjost i prostor ispred Katedrale.

Načelnik Općine Stari Grad Ibrahim Hadžibajrić istakao je da ovakvi i slični projekti u Starom Gradu pokazuju njegovu otvorenost prema svima, kao i nastojanja za privlačenjem što većeg broja turista.

„Osim što smo prepoznatljivi po našem bogatom kulturno-historijskom naslijeđu, želimo pokazati i da smo otvoreni za



ono što sadašnjost nudi i da možemo stati rame uz rame sa velikim evropskim gradovima. Želimo da naši građani, kao i brojni

turisti, uživaju šetajući našim ulicama i da se, kao što je to oduvijek u Sarajevu bilo, svi praznici zajedno proslavljaju. To je ono što nas izdvaja od drugih i po čemu smo prepoznatljivi,“ kazao je Hadžibajrić. On je i zvanično pustio u rad dekorativnu rasvjetu na Baščaršijskom trgu nakon čega je uslijedio veliki vatromet.

Praznična atmosfera uz muziku sa RSG-a

Kako bi praznična atmosfera zavladała u svim ulicama, u ulici Štrosmajerova postavljeno je ozvučenje gdje se u sarad-



Bit će izabran Najselfie iz Starog Grada

Projekat "Ljepši i veseliji Stari Grad - Zimska turistička sezona u srcu Sarajeva" nastavljen je izborom najselfija iz Starog Grada. Građani, ali i brojni turisti koji posjećuju općinu Stari Grad, mogu napraviti selfie na ulicama sa novogodišnjom dekoracijom,

objaviti ga javno na svom FB profilu, označiti da se nalaze u Općini Stari Grad, uz hashtagove #ljepsistarigrad i #veselijistarigrad, a vlasnici selfija sa najviše like-ova osvojit će vrijedne poklone! Proglašenje najboljeg selfija bit će 26. januara.

Info press centar u decembru posjetilo oko 500 turista

Starogradskom Info-press centru tokom decembra za neku od usluga i informacije obratilo se skoro 500 turista, što svjedoči o velikoj posjeti našoj općini tokom praznika. Najviše turista bilo je iz regiona, zatim Kanade, SAD, Rusije, Malezije, Italije, Njemačke... Najviše su tražili pomoć oko rezervacije hotela, informacije o mjestu dočeka Nove godine na otvorenom sa Zdravkom Čolićem, te za drugu noć sa Crvenom jabukom.

nji sa RSG-om emituje prigodna praznična muzika, a organizovano je i takmičenje u izboru najboljeg prazničnog selfija. Povodom božićnih praznika održani su koncerti SPD Sloga i Udruženja Facultas.

Projekat realizuju Općina Stari Grad, putem Sektora za lokalni razvoj i Udruženje Sarajevo Navigator. Cilj je podstaći razvoj privrede u nastarijoj gradskoj općini, privlačenjem većeg broja turista za vrijeme predstojećih praznika.

Općinsko vijeće

10. sjednica

Općinskog vijeća

Općinsko vijeće Stari Grad na 10. sjednici je donijelo inicijativu da Vlada FBiH, u skladu sa Odlukom o proglašenju Historijskog gradskog područja – Sarajevska čaršija iz 2014. godine, izradi Elaborat o otklanjanju negativnog uticaja izvršenih intervencija u obuhvatu historijskog gradskog područja – Sarajevska čaršija.

Ovaj postupak Vijeća potaknut je čestim inicijativama vijećnika da se pokrenu aktivnosti na uređenju Bašaršije u smislu unificiranja reklama, panoa, tendi, pa i ulične rasvjete. U obrazloženju se navodi da je Bašaršija glavni turistički centar Kantona Sarajevo, te da se radi o zaštićenom lokalitetu sa svim svojim kulturno-historijskim znamenitostima. Međutim, njen izgled se narušava i skrnavi, a kako općinska inspekcija nema mehanizme kojima bi to spriječila, potrebno se obratiti višim, konkretno, federalnom nivou vlasti.



11. i 12. sjednica

Općinskog vijeća

Na 11. sjednici Općinskog vijeća Stari Grad utvrđen je Nacrt budžeta Općine Stari Grad za 2018. godinu u iznosu od 15.756.000 KM i zaključeno da se uputi u javnu raspravu u trajanju od 30 dana. Na istoj sjednici vijećnici su usvojili prijedlog zaključka o davanju saglasnosti Općinskom načelniku za izdvajanje sredstava za rekonstrukciju kotlovnice u Srednjoj školi za tekstil i dizajn u Sarajevu. Naime, kotlovnica u pomenutoj školi je stara preko 25 godina, a oprema dotrajala i djelimično neispravna. Rebalans budžeta Općine Stari Grad Sarajevo jednoglasno je usvojen na 12. sjednici Općinskog vijeća u iznosu od 27,737.330 KM. Ovaj rebalans u odnosu na predhodni kojeg je Općinsko vijeće usvojilo 26. oktobra, 2017. godine umanjen je za 0,43 odsto. Jednoglasno su vijećnici podržali Prijedlog zaključka o izradi Strategije za mlade u Općini Stari Grad za period 2018/2022. godina, te prijedloge iz oblasti imovinsko pravnih odnosa. Primljene su k znanju i informacija o provođenju Odluke o davanju u zakup stanova na kojima Općina Stari Grad Sarajevo ima pravo raspolaganja i o provođenju odluka iz oblasti imovinsko-pravnih odnosa.



13. sjednica

Općinskog vijeća

Općinsko vijeće Stari Grad Sarajevo na 13. sjednici usvojilo je prijedlog budžeta Općine Stari Grad Sarajevo za 2018. godinu u iznosu od 22.843.000 KM. Za rekonstrukcije i izgradnju objekata infrastrukture od općeg interesa u narednoj godini planirano je 2.795.600 KM.

Vijeće je također usvojilo i Program rada Općinskog načelnika za 2018. godinu čime su definisani osnovni pravci djelovanja Općinskog načelnika, odnosno lokalne izvršne vlasti za 2018. godinu. Usvojen je i Prijedlog odluke o dodjeli u zakup poslovnih zgrada i poslovnih



prostora Općine Stari Grad Sarajevo i rasporedu poslovnih djelatnosti na području općine Stari Grad Sarajevo, kao i Prijedlog odluke o nagrađivanju učenika završnih razreda osnovnih škola iz Općine Stari Grad Sarajevo čime se od naredne godine uspostavlja priznanje „Ponos škola Općine Stari Grad“. Dodjeljivat će se učenicima koji su tokom cijelog školovanja u svakom razredu osnovne škole na kraju školske godine imali odličan uspjeh i primjerno vladanje. Nacrt strategije održivog razvoja turizma Općine Stari Grad Sarajevo 2018/2022 upućen je u javnu raspravu u trajanju od dva mjeseca.

ReLOaD - implementacija projekata vrijednih 200.000 KM



Svečanim potpisivanjem ugovora između predstavnika Općine Stari Grad, Razvojnog programa Ujedinjenih nacija u BiH i organizacija civilnog društva ozvaničen je i početak implementacije odobrenih projekata u sklopu Regionalnog programa lokalne demokratije na Zapadnom Balkanu (ReLOaD). U sklopu ReLOaD programa u Općini Stari Grad do kraja 2018. godine bit će implementirano šest projekata, čija je ukupna vrijednost oko 200.000 KM. Za ove projekte Općina je obezbijedila oko 40.000 KM, dok je ostatak novca obezbijedila Evropska unija (EU).

Ibrahim Hadžibajrić, načelnik Općine Stari Grad, je istakao kako ova Općina LOD metodologiju uspješno primjenjuje još od 2012. godine.

„Vjerujem da će i ovi projekti poštovati LOD metodologiju, te da će ponuditi konkretne rezultate za naše građane kojima su i namijenjeni. Očekujem da će u narednom periodu projekti biti konkretniji, odnosno da ponudimo rezultate ne samo za građane

Starog Grada, nego i cijelog Kantona Sarajevo,“ kazao je Hadžibajrić.

Osnaživanje saradnje NVO-a i LS-a

Samir Omerefendić, regionalni program menadžer ReLOaD programa, zahvalio se Općini Stari Grad za nesebičnu podršku u implementaciji ovog programa.

„Suština ovog programa je osnaživanje saradnje između organizacija civilnog društva i jedinica lokalne samouprave. Organizacije bi trebalo da budu most između građana i općina, te da ispunjavaju obaveze prema građanima gdje jedinice lokalne samouprave nisu u mogućnosti“, istakao je Omerefendić.

ReLOaD program finansira EU, a realizuje UNDP u Albaniji, BiH, bivšoj jugoslovenskoj republici Makedoniji, Crnoj Gori, Kosovu i Srbiji. Ukupan budžet projekta je 10 miliona eura, od toga 8,5 miliona finansira EU, a ostatak od 1,5 miliona eura UNDP i općine uključene u ReLOaD.

Odobreni projekti

Nakon javnog poziva za organizacije civilnog društva odobreni su projekti:

Udruženje za ekonomsko osnaživanje žena „e-domaćica“ sa projektom „Ekonomsko osnaživanje i samozapošljavanje žena“, odobreni iznos za finansiranje 36.874 KM;

Udruga Facultas za prosperitet mladih sa projektom „Kulturno edukativna manifestacija-Božić i Uskrs u Općini Stari Grad Sarajevo“, odobreni iznos za finansiranje 12.000 KM;

Udruženje za promociju i unapređe-

nje zdravlja „Generacija“ sa projektom „Živjeti zdravo“, odobreni iznos za finansiranje 46.490,56 KM; Fondacija „Infohouse“ sa projektom „Start-up centar Općine Stari Grad“, odobreni iznos za finansiranje 45.575 KM; Udruženje „Motivator“ sa projektom „Program neformalnog obrazovanja Start“, odobreni iznos za finansiranje 18.818,46 KM; Plivački klub „SPID“ Sarajevo sa projektom „Integracija u društvo kroz plivanje“, odobreni iznos za finansiranje 28.584 KM.



Općina Stari Grad dobila nagradu UN Populacijskog fonda

Općina Stari Grad Sarajevo osvojila je UNFPA nagradu za 2017 godinu iz oblasti unaprjeđivanja položaja starijih osoba. Priznanje i nagrada uručeni su Općini Stari Grad za uspostavljanje prvog Centra za promociju i unaprijeđenje zdravlja u Kantonu Sarajevo, a s ciljem unaprijeđenja položaja starijih osoba kroz terapijsko vježbanje i medicinsko savjetovalište.

U ime Općine Stari Grad nagradu je preuzela Almedina Porča, šefica Odsjeka za odnose s javnošću ove Općine koja je kazala da je nagrada pokazatelj da su prepoznati napori ove lokalne zajednice za unaprijeđenjem života osoba treće životne dobi.

„Općina Stari Grad je prije šest mjeseci pokrenula rad prvog Centra za promociju i unaprijeđenje zdravlja u Kantonu Sarajevu čija su vrata otvorena osobama treće životne dobi iz cijelog Sarajeva, ne samo iz Starog Grada. U Centru se realizuju sadržaji kao što su: terapijske vježbe za osobe treće dobi, elektroterapije, medicinsko savjetovalište, zdravstveni izleti i drugo. Dnevno se Centru za neku od usluga obrati oko 150 starijih osoba,“ kazala je Porča.

Općina Stari Grad je uložila sredstva u adaptaciju i opremanje, te finansira sadržaje za starije osobe, dok je za njihovu realizaciju u upravljanje centrom zaduženo Udruženje „Generacija“.

Infrastruktura

Asfaltiranje ulica sve do kraja 2017. godine

Na području općine Stari Grad aktivno se radilo na sanaciji i asfaltiranju ulica tokom cijele 2017. godine, a radovi su se izvodili čak i u zimskim mjesecima. Osim asfaltiranja, rađena je i rekonstrukcija vodovodne mreže u ulicama Muse Ćazima Ćatića i Logavina. Dijelom su zamijenjene vodovodne cijevi i u Huremuši, a asfaltiran je pristupni put za ulicu Hladivode. Za ove radove izdvojeno je oko 370.000 konvertibilnih maraka.

Muse Ćazima Ćatića

Nakon rekonstrukcije vodovodne mreže u ulici Muse Ćazima Ćatića, kompletna dionica je asfaltirana, potvrđeno je iz Službe za investicije, plan i analizu Općine. Podsjećamo, u ulici Muse Ćazima Ćatića urađena je kompletna rekonstrukcija vodovodne mreže



Muse Ćazima Ćatića

u dužini od oko 300 metara, te spajanje oluka na kišnu kanalizaciju. S obzirom na obimnost poslova, pojavili su se i dodatni radovi, tako da je urađena i nova drenaža kod Vrhbosanske katoličke bogoslovije. Rekonstrukciju vodovodne mreže uradila je firma KJKP "Vodovod i kanalizacija", dok je asfaltiranje izvodila firma KJKP "Rad". Kompletno radove finansirala je Općina Stari Grad Sarajevo s iznosom od 220.000 konvertibilnih maraka.



Logavina

Logavina

U ulici Logavina, na dijelu od ulice Čemerlina do ulice Adžemovića, izvršeni su radovi zamjene vodovodne mreže u dužini od 220 metara, a urađeno je i 30-ak novih individualnih priključaka domaćinstava. Nakon što je izvođač, firma Mibrall d.o.o završila svoj dio posla u oktobru, 2017. godine, čekalo se KJKP "Rad" da izvede završne radove i asfaltira ulicu. KJKP "Rad" je prvi sloj asfalta u ovoj ulici postavio krajem novembra, 2017. godine, a potom su urađeni i trotoari. Usljed nepovoljnih vremenskih uslova radovi su obustavljeni, da bi završni sloj asfalta bio postavljen tek u prvoj sedmici januara, 2018. godine. Projekat je Općina finansirala iznosom od oko 109.000 konvertibilnih maraka.

Hladivode

Saniran je i asfaltiran pristupni put za ulicu Hladivode od broja 67 do broja 71, na Moščanici. Ugrađen je novi tampon, teren nivelisan zbog pravilne odvodnje i




Hladivode pristupni put

Rekonstruisana kanalizaciona mreža na Boguševcu

U ulici Boguševac, u mjesnoj zajednici Toka-Džeka, rekonstruisana je kanalizaciona i drenažna mreža, te izgrađena dva potporna zida. Zamijenjen je stari kanalizacioni vod u dužini od 50 metara, a na dužini od 40 metara postavljen je i novi drenažni vod. Zamjena mreže koštala je 14.000 KM, izgradnja zidova 20.000 KM, a sve troškove je pokrila Općina Stari Grad.

na kraju asfaltiran u dužini od 86 metara. Projekat asfaltiranja pristupnog puta za krak ulice Hladivode s oko 4.500 KM finansirala je Općina Stari Grad, a izvođač radova bila je firma KJKP "Rad".

Huremuša



Huremuša

Asfaltirana je ulica Huremuša, od raskrsnice sa ulicom Kamenica do ulice Mladih muslimana, odnosno glavnog gradskog tranzita, u dužini od 124 metra i širini od oko šest i po metara.

Odmah po okončanju velikog projekta rekonstrukcije vodovodne mreže i asfaltiranja u susjednoj ulici Iza Hrida vrijedan 174.000 KM, odlučeno je da se asfaltira i ulica Huremuša, što je i realizovano. Prilikom radova u ulici Huremuša otkriveni su kvarovi na vodovodnoj mreži koji su u dva navrata otklanjani. Zamijenjeno je oko 18 metara dotrajalih vodovodnih cijevi, a potom je ulica asfaltirana, urađeni su ivičnjaci i trotoari. Radove je izvodila firma KJKP "Rad", a Općina Stari Grad ih je finansirala sa oko 40.000 KM.



Nadmlini



Pirin brijeg

Za tri mjeseca izgrađeno pet potpornih zidova

Od oktobra, pa do kraja 2017. godine u Starom Gradu je izgrađeno pet potpornih zidova i to u ulicama: Nadmlini, Bistrik medresa, Jarčedoli, Ablakovina i Pirin brijeg. Svi projekti koštali su oko 100.000 KM, a finansirala ih je Općina Stari Grad.

Nadmlini

U ulici Nadmlini, na Kovačima, izgrađen je potporni zid dužine 28,5 metara, a uz njega i manja sportska tribina. S obzirom da se ispred ovog zida planira gradnja igrališta za basket, ovaj potporni zid trebao je stabilizirati i osigurati teren, te se njegovoj gradnji pristupilo vrlo ozbiljno. Izvođač ovih radova je bila firma Klico trans gradnja d.o.o. Sarajevo, a Općina je za ovaj projekat izdvojila oko 48.000 KM.

Bistrik medresa

Izgrađen je armirano-betonski potporni zid u ulici Bistrik medresa od broja 17 do broja 23, gdje je došlo do urušavanja terena



i ostataka starog kamenog zida. Dimenzi je novog zida su: dužina 19 metara i visina 1,20 centimetara. Radove je prije ugovorenog roka završila firma Klico trans gradnja, a Općina Stari Grad je finansirala projekat sa oko 10.000 KM.

Jarčedoli

Izgrađen je armirano-betonski potporni zid u ulici Jarčedoli kod broja 33, čime je osigurana saobraćajnica i stambeni objekat na tom lokalitetu. Novi zid ima dužinu od deset metara, a visinu tri i po metra, radove je izvo-



dila firma Sela d.o.o. Troškove projekta od oko 3.000 KM je snosila Općina Stari Grad.

Ablakovina

Na Širokači, u ulici Ablakovina, izgrađen je potporni zid dužine 13 metara, u cilju osiguranja saobraćajnice, kao i objekata koji se nalaze u blizini. Na ovoj lokaciji je usljed velikog pritiska na saobraćajnicu, došlo do



pucanja potpornog zida. Izgrađen je novi zid prosječne visine dva metra, a radove je izvela firma „Dinalsa“ iz Sarajeva. Općina je projekat finansirala iznosom od 10.000 KM.

Pirin brijeg

Nakon što je izmještena plinska cijev koja je otkrivena tokom izvođenja radova, izgrađen je novi potporni zid u ulici Pirin brijeg preko puta broja 26, dužine 20 metara. Izgradnja ovog zida koštala je oko 27.000 konvertibilnih maraka, a njegovu izgradnju finansirala je Općina.

Sanirana kaldrma na Bistriku



Bistrik čikma – gornja

Sanirana je kaldrma na Bistriku, u ulici Bistrik čikma - gornja. U ulici površine oko 110 metara kvadratnih izrađena je nova oborinska/kišna kanalizacija, te zamijenjena stara, oštećena kaldrma, uz prethodno urađenu podlogu i gazište. Domaćinstvima koja se nalaze u ovoj ulici sada je osiguran mnogo lakši pristup i neometan prolaz kroz ulicu.

Radovi su koštali oko 29.500 KM, a izvela ih je firma Klico trans gradnja d.o.o.

Uređen plato između dvije stambene zgrade u ulici Dženetića čikma

U ulici Dženetića čikma do broja 10 izvršeni su radovi na uređenju i asfaltiranju platoa, odvodnji oborinskih voda, te sanaciji dva manja potporna zida. Plato između dvije stambene zgrade u ovoj ulici bio je u dosta lošem stanju, a i odvodnja oborinskih voda je predstavljala dodatni problem, pa je usljed većih padavina voda često završavala na stepeništima sa obje strane platoa, "saopćili su u nadležnoj Službi za investicije, plan i analizu Općine Stari Grad. Izvođač ovih radova bila je firma Set invest d.o.o., a projekat je koštao oko 11.000 KM.



Jubilej

Općina Stari Grad proslavila 40. rođendan

Građani uživali uz tradicionalne specijalitete: kafu, kolače, sokove, ćevape, somune, čorbe • Podijeljeni brojni pokloni u vrijednosti od 6.000 KM • Prisutni uživali u sevdalinkama RKUD Proleter • Najsretniji otputovali u Beč, Grac, Dubrovnik

Nekoliko stotina građana okupilo se 27. decembra na platou ispred zgrade Općine Stari Grad i učestvovalo u obilježavanju 40. rođendana ove općine. Na taj dan, 1977. godine, proglašenjem ukaza u Službenom listu SRBiH, osnovana je Opština Stari Grad. Građani su uživali u degustacijama tradicionalnih specijaliteta izloženih na štandovima duž platoa gdje se našao i roštilj sa ćevapima, a kafa se točila iz Vispakove džezve za Ginisa. Za muzički dio programa i zvuke sevdalinke pobrinulo se RKUD Proleter.

Brojni privredni subjekti iz Starog Grada, ali i šire uključili su se u obilježavanje jubileja i svojim proizvodima obradovali građane. Već od jutarnjih sati korisnici usluga Šalter sale dobijali su poklon pakete, torte, kolače,



Čime smo sve građane počastili tog dana

Zahvaljujući velikom broju prijatelja projekta i širokom spektru njihovih djelatnosti i proizvoda, korisnici usluga Općine Stari Grad za rođendan Općine su dobili: pakete proizvoda (prehrambenih), frizerske tretmane, torte, tucanu kavu, baklavu, ručak ili večere za dvije osobe, poklon kupone za korištenje wellnesa i spa, parfeme, poklon kupone od 100 KM za kupovinu obuće u Astri i Borovu, novogodišnji doček u Hotelu Saraj, šoping putovanja u Grac (5x), vikend na Bjelašnici, putovanje u Beč, vikend u Dubrovniku...

kafu, ali i vaučere za hotelske usluge – bazene, fitness, masažu, kozmetičke i frizerske usluge, poklon-kupone za različite trgovine, kao i poklon putovanja. Za sve korisnike koji su se obratili za uslugu na šalteru boračke i socijalno-zdravstvene zaštite, osigurani su prehrambeni poklon paketi, a tortama su obradovani roditelji koji su tog dana prijavili novorođenčad. Organizovane su i posjete porodicama u Starom Gradu koje su također dobile poklon-pakete i druge poklone.

Putovanja u Grac, Beč, Dubrovnik...

Centralna proslava održana je na platou ispred zgrade Općine gdje su građani također dobijali poklone i to izvlačenjem sret-

Brošura „Općina Stari Grad – povodom 40 godina od osnivanja“

Povodom jubileja štampana je i publikacija „Općina Stari Grad – povodom 40 godina od osnivanja“ koja govori o višestoljetnom razvoju Starog Grada, epohama i periodima kroz koje je prolazio, utemeljenju grada, izgradnji prvih objekata, te osnivanju same općine 1977. godine. Brošuru je izradila Služba za odnose s javnošću i informacijski sistem, koja je bila i organizator pomenu-tog događaja.





Tek vjenčani par Vuković na poklon dobio put u Dubrovnik

Za svoj 40. rođendan Općina Stari Grad i Sol-Azur poklonili su vikend putovanje u Dubrovnik bračnom paru Vuković, koji je svoje sudbonosno „da“ izrekao u općinskoj Sali za vjenčanja, 27. decembra. Sretni bračni par Hana i Feđa Vuković nisu krili svoje oduševljenje, pogotovo zbog jedne zanimljive

činjenice. Naime, Hana je itekako vezana za Dubrovnik, grad u kome je rođena i završila studije: „Brat mog supruga Feđe je također studirao u Dubrovniku, međutim nismo se upoznali u Dubrovniku, već u Varšavi. Krasan kraj ove godine, u idućoj očekujemo kćerkicu i zaista smo presretni“, kazala je Hana.

nih brojeva. Ahmo Dedajić tako je dobio novogodišnji doček za dvije osobe u Hotelu Saraj, Kadrija Trnka je dobila vikend aranžman za dvije osobe na Bjelašnici – u Hotelu Han, Ramiza Softić imala je sreće da dobije putovanje u Grac, a Rasim Pilav putovanje u Beč. Nakon toga, građani su

uživali u velikoj rođendanskoj torti.

„Općina Stari Grad starija je mnogo više od 40 godina...preko 500 godina. Ali, na današnji dan je objavljen ukaz kojim se Stari Grad odvojio od Općine Centar i postali smo samostalna općina. Željeli smo ovaj dan proslaviti sa našim građanima, a zahvaljujući

Zahvalnost za uspješnu realizaciju ovog projekta Općina Stari Grad duguje prijateljima projekta, a to su:

Sarajevska pivara, Chipas, Pekara Poričanin, Butik Badem, Kraš, Buregdžinica Bosna, IBES, Čevabdžinica Dženita, Vispak, Amko komerc, Megamix, Hoše komerc, Ašćinica ASDŽ, Restoran „Vidikovac“, Slastičarna Sarajbosna, Hotel Central, Winer kafe, Dibek-tucana kafa, Parfimerija Babić trade, Caffeslastičarna Dolce Ore, Slastičarna „Vijećnica“, Restoran „Đulagin dvor“, Hotel Evropa, Hotel Pino, Astra i Borovo, Frizerski saloni Best Style i Eden, Hotel Han, Turistička agencija Biss Tours, Solazur, M97, Hotel Saraj. Projekat su podržali i Max Media, RKUD Proleter; te medijski pokrovitelji Antena i Radio Mix.

našim privrednicima podijelili smo brojne poklone i zahvaljujem im se na tome. Dragi građani, čestitam vam 40. rođendan naše općine i želim da nam svima u narednim godinama bude puno bolje,“ poručio je okupljenim građanima načelnik Općine Stari Grad Ibrahim Hadžibajrić.



Projekti

Jačanje uloge MZ u BiH

- u toku realizacija tri projekta



Igralište Širokača



Lokacija na Vratniku

„Jačanje uloge mjesnih zajednica u BiH“ je zajednički projekt Vlade Švicarske i Vlade Švedske u vrijednosti od 14,5 miliona KM, a provodi ga Razvojni program Ujedinjenih nacija (UNDP). Cilj projekta je povećanje demokratskog i direktnog učesća građana Bosne i Hercegovine u lokalnoj upravi, jačanje odgovornosti općinskih vlasti i poboljšanje infrastrukture i usluga na nivou mjesnih zajednica.

Općina Stari Grad uključila se u ovaj projekat prije godinu dana putem Sektora za lokalni razvoj. Dosad su implementirani brojni projekti: educirane su upravljачke strukture šest starogradskih mjesnih zajednica o pisanju projektnih prijedloga, informacionih tehnologija, te socijalne inkluzije, organizovani otvoreni sastanci i dijalozi rukovodstva Općine sa građanima, izgrađena dječja igrališta na Mošćanici i Sedreniku, opremljen informatički kabinet u MZ Kovači, fitness centar i program kućnih radinosti u MZ Vratnik, asfaltirana ulica u MZ Širokača. Osim toga, šest mjesnih zajednica opremljeno je nasavremenijom računarskom opremom. U ove projekte tokom 2017. godine je uloženo oko 170.000 KM, a u toku je realizacija još tri projekta.

MZ Mošćanica

U toku je adaptacija objekta u kojem je smještena starogradska Mjesna zajednica Mošćanica.

Adaptacija podrazumijeva rekonstrukciju mokrih čvorova, zamjenu vodovodnih i kanizacionih instalacija u samom objektu, zamjenu unutrašnje i vanjske stolarije, podova, krečenje i uređenje svih prostorija, te na-

bavku novog namještaja. Ovi radovi koštaju oko 35.000 KM od čega su kroz projekat „Jačanje uloge MZ u BiH“ Vlade Švicarske i Švedske osigurale oko 17.000 KM, dok ih Općina finansira sa oko 18.000 KM.

Dječije igralište na Širokači

Na platou ispred Mjesne zajednice Širokača, u ulici Za beglukom br.73. gradi se dječije igralište

Ovo će biti prvo igralište za oko 100 djece uzrasta do šest godina s područja

klupe, te tri korpe za otpatke. Ukupna vrijednost projekta je 22.103,70 KM, za šta su vlade Švicarske i Švedske obezbijedile 17.000 KM, a Općina 5.103,70 KM.

Dječije igralište na Vratniku

Na Vratniku, u sklopu školskog dvorišta škole „Hamdija Kreševljaković“, gradi se još jedno dječije igralište. Na ovom igralištu bit će drvena kućica visine tri metra, ljuljačka sa sjedalicama, ljestve i mreža za penjanje, njihalice, klackalice, vrtuljak...Igralište



MZ Mošćanica

mjesnih zajednica Širokača i Toka – Džeka. Planirano je da na ovom prostoru bude postavljena gumena podloga, tobogan s kućicom, ljuljačka s dvije sjedalice - kombinovana s ljestvama i mrežom za penjanje, njihalice sa sjedalicom, četiri barokne

će također imati klupe i korpe za otpatke. Vrijednost igralista je 22.400 KM, Općina sufinansira radove sa 5.400 KM, a ostatak od 17.000 KM vlade Švicarske i Švedske.

Svi projekti realizuju se putem Sektora za lokalni razvoj Općine Stari Grad.



Hadžibajrić i Bastać potpisali sporazum

Bratimile se dvije najstarije općine iz Sarajeva i Beograda

Načelnik Općine Stari Grad Sarajevo Ibrahim Hadžibajrić i predsjednik Gradske opštine Stari grad Beograd Marko Bastać potpisali su 15. decembra, 2017. godine, u Beogradu Sporazum o saradnji dvije najstarije gradske općine. Oba načelnika prilikom potpisivanja sporazuma istakla su namjeru za razvoj međusobne saradnje, naročito na planu turizma, kulture, sporta i ekonomije.

Načelnik Hadžibajrić je istakao da Evropska unija u posljednjih petnaest godina insistira na regionalnoj saradnji i saradnji na lokalnom nivou, ali da se to među državama bivše Jugoslavije izbjegava.

„Međutim, među općinama i gradovima uveliko postoji i odvija se saradnja po evropskom modelu. Nama je ovo u posljednjih osam godina 24. Sporazum o bratimljenju i drugi koji imamo potpisan sa nekom općinom iz Srbije. Prvi smo potpisali u Kragujevcu. Radićemo na planu kulturno-umjetničke saradnje, razmjeni učenika i ekonomskoj saradnji. U prethodnom periodu je naša općina, zahvaljujući ovakvoj vrsti sporazuma, imala investicije u vrijednosti od 12,5 miliona eura. Vrijeme je pred nama i realizacija zavisi od menadžmenta općine i od ljudi koji u njoj rade, „kazao je načelnik Hadžibajrić.



Predsjednik Gradske opštine Stari grad Beograd Marko Bastać iznio je i konkretne prijedloge koji će pokrenuti saradnju i dalje jačanje prijateljskih odnosa dvije općine.

„Jedna od prvih stvari koje ćemo uraditi je povezivanje ljudi u Sarajevu i Beogradu. To se, prije svega, odnosi na razmjenu đaka i studenata dvije opštine. Ono što je nekada postojalo, a sada više ne postoji, to su Bašćaršijske noći u Beogradu i Skadarlijske noći u Sarajevu i to ćemo ponovo oživjeti i pokrenuti,“ kazao je Bastać.

Bratimljenje ove dvije općine dogovoreno je još u oktobru kada su predsjednik Bastać i njegovi saradnici posjetili Općinu Stari Grad Sarajevo.

Aleja ambasadora:
Od Petrischa do
Constantinescu
zasađeno 175 lipa



Dragolovačanin, Constantinescu i Hadžibajrić

Ambasadorica Rumunije nj.e. Dana-Manuela Constantinescu postala je 175. ambasadorica koja je posadila lipu u Aleji ambasadora, na Darivi.

Domaćin ovog događaja, načelnik Općine Stari Grad Ibrahim Hadžibajrić je izjavio da mu je zadovoljstvo što sadnja lipa i dalje napreduje, sada u smjeru prema Bentbaši.

„Kada se Aleja u potpunosti završi, obogatit će cijeli prostor Bentbaše, koji je proglašen zaštićenom zonom,“ kazao je Hadžibajrić.

Komentirajući veliki broj ambasadora koji je do sada posadio lipu u Aleji ambasadora, ambasadorica Constantinescu je kazala kako je i njoj čast što je dio velikog projekta.

„Smatram da sve što je povezano sa prirodom predstavlja budućnost. Kada govorimo o budućnosti ne govorim samo o bilateralnim odnosima između Rumunije i Bosne i Hercegovine koji su zaista više nego dobri, nego govorim o odnosima samih lokalnih zajednica između dvije države“, istakla je ambasadorica Rumunije.

Prije ambasadorice Rumunije, lipu je zasadila ambasadorica Kraljevine Norveške u BiH nj.e. Guri Rusten. Njena lipa je 174. po redu, a ambasadorica Rusten je četvrti ambasador ove prijateljske skandinavske zemlje koja je zasadila lipu u Aleji. Ambasadorici su u sadnji pomogli načelnik Općine Stari Grad Ibrahim Hadžibajrić, predsjedavajući Općinskog vijeća Stari Grad Jusuf Pušina i njegov zamjenik Sanel Dragolovačanin.

Za strastvenog ljubitelja šetnji ambasadoricu Rusten, sadnja lipe predstavlja veliku čast: „Ovdje sam hodala zaista mnogo puta, volim ovdje dovesti svoje prijatelje i rodbinu. Kazala sam načelniku Hadžibajriću da u Oslu imamo sličan prostor uz rijeku, gdje tokom jeseni organizujemo šetnje i koncerte poznatih izvođača i glumaca,“ kazala je ambasadorica Rusten.

Donacije

Stočarska proizvodnja u Starom Gradu iz godine u godinu napreduje

U 2017. poticaj dobilo 55 korisnika za razvoj stočarstva ● Od poljoprivrede i stočarstva se može živjeti, ali je potrebna edukacija, rad i zalaganje ● Povećati broj stoke, kupiti stočnu hranu, proširiti kapacitete – želje su korisnika

Poticaj stočarskoj proizvodnji u Starom Gradu dobilo je 55 korisnika iz ove općine koji se bave ovčarstvom, govedarstvom, peradarstvom i drugim. Projekat “Razvoj stočarstva u Starom Gradu” traje pet godina, a o njegovom uspjehu najviše svjedoči sve veći broj zainteresovanih korisnika.

Budžetom za 2017. godinu planirano je oko 20.000 KM za ove namjene, no kako je broj zainteresovanih korisnika bio veći od očekivanog, planirana sredstva su povećana na 30.000 KM. Sredstva će korisnici utrošiti na kupovinu stoke, stočne hrane, proširivanje stajskih kapaciteta...

U Starom Gradu se razvija plastenička proizvodnja, uzgaja povrće i stoka

Amra Fetić tvrdi da nju rad na zemlji opušta i podmlađuje, a od stočarstva i zemljoradnje izdržava cijelu porodicu.

Od ovog se može živjeti

Među korisnicima su neki koji su se i ranijih godina prijavljivali na javne pozive, a zahvaljujući dobijenim sredstvima uspjeli su uvećati svoj stočni fond, a samim tim i proizvodnju. Takav je i Elvir Omeragić koji je zahvaljujući podršci povećao svoje stado. „Bavim se ovčarstvom, imam oko 120 ovaca. Sredstvima ću kupiti stočnu hranu. Živimo od ovog posla, a možemo proizvesti dovoljno i za ličnu upotrebu i za prodaju,“ kaže Omeragić.

„Sin i ja smo bili borci Armije BiH, a sad sam u penziji, a sin i unuci na birou. Počeli smo od kokoški koje smo uzgajali i prodavali jaja. Onda sam od Općine dobila platenik i, vjerujte, tada smo shvatili da od toga svi možemo lijepo živjeti,“ priča Amra. Dodaje da je kasnije dobila poticaj



i nabavila ovce, a danas njeno stado broji 60 ovaca. Od dobijenih sredstava ove godine namjerava kupiti kravu. „Nama dobro ide poljoprivreda. Meni je 67 godina, al sam se podmladila ovim poslom. Zajedno s unucima kopam, sijem, radim u plateniku...obrađujemo zemlju i sijemo krompir, cveklu, crveni i bijeli luk. Ove godine smo uzgojili 100 kg luka,“ ispričala je Amra.

Zemljoradnjom se bavi i Mustafa Hota, koji je stanovnik Starog Grada sa registrovanom poljoprivrednom djelatnošću i bavi se proizvodnjom krompira, naveliko. „Ove godine sam uzgojio oko 70 tona krompira, a sljedeće planiram oko 100 tona. Dobio sam od Vlade FBiH dvije krave, a ovim poticajem od Općine Stari Grad također ću kupiti krave. U planu mi je da držim pet krava, kupim rashladne uređaje i prodajem mliječne proizvode direktno kupcima jer od prodaje mljekarima i veliki proizvođačima nema ništa. Ja idem na edukacije, ulažem... Od rada se uvijek moglo živjeti, a tako je i sad. Nije

to neki luksuz, ima i troškova i ulaganja, ali može se živjeti od ovoga,“ završava Hota.

Općina dosad građanima dodijelila 150 platenika

Kroz projekat “Razvoj stočarstva u Starom Gradu” Općina je razvoj ove grane podržala u ukupnom iznosu preko 130.000 KM. Pomoćnik načelnika za privredu Adis Hadžović podsjetio je da pored stočarstva, Općina Stari Grad podržava i plasteničku proizvodnju. „U prošloj godini smo dodijelili 13 platenika našim građanima, od čega je deset dodijeljeno nezaposlenim demobilisanim borcima. Za te namjene smo izdvojili oko 40.000 KM, a za sadni materijal još 14.000 KM,“ kazao je Hadžović. Prema evidenciji nadležne službe, Općina Stari Grad je dosad plasteničku proizvodnju stimulisala dodjelom 150 platenika korisnicima iz Starog Grada. „Podržavamo i razvoj pčelarstva, a u prošloj godini je 51 pčelar iz Starog Grada dobio pčelarske rojeve i košnice,“ kazao je Hadžović.

Konferencija FOCUS:

Što je Westminster u Londonu, to je Stari Grad u Sarajevu

Prezentacija: Kako komuniciramo s javnošću ● Razvijene aplikacije koje građanima omogućavaju lakšu komunikaciju sa javnom upravom ● Više od osam miliona pregleda na općinskoj FB stranici

Međunarodna konferencija FOCUS o komunikacijama u javnoj upravi – prva takve vrste, održana je početkom decembra u Općini Tuhelj, u Republici Hrvatskoj. Konferenciju je organizovala agencija Apriori World, specijalizirana za brand management i komunikacije, a koja već 16 godina uspješno organizuje PRO PR među-

na Porča, šefica Odsjeka za odnose s javnošću u ovoj općini.


Upućeni u način rada i komunikacije ove lokalne zajednice sa javnošću, organizatori su prilikom najave predavanja kazali: "Ono što je Westminster u Londonu, to je Stari Grad u Sarajevu."



narodnu konferenciju za odnose s javnošću.

Općina Stari Grad na FOCUS-u je predstavljena kao uspješan primjer komunikacija i inovacija unutar organa uprave i jedina je jedinica lokalne samoprave iz BiH koja se predstavila na ovoj konferenciji. Predavanje koje je bilo posvećeno načinu komunikacije Općine sa građanima u Starom Gradu održala je Almedi-

na Općina Stari Grad je u prethodnim godinama ozbiljno radila na izgradnji prepoznatljivog pozitivnog imidža ovog organa uprave. "Prije devet godina napravili smo web stranicu koja je trebala poslužiti kao servis našim građanima i pružiti im sve potrebne informacije. S godinama smo je nadograđivali i redizajnirali, pa s pravom možemo reći da danas imamo ozbilj-



nu i kvalitetnu web stranicu koja se ažurira na dnevnoj osnovi i nudi mnoge servise kojima je poboljšana komunikacija sa građanima, kazala je Porča, te nabrojala koje sve prednosti nude građanima.

Komunikacija s građanima na društvenim mrežama

"U prvom redu tu su aplikacije 'Pitajte općinu' gdje se na pitanja građana odgovara u roku od 24 sata, 'Vodič kroz šalter salu', 'Budžet za građane' i drugo. Ovu godinu završavamo sa više od pola miliona posjeta našoj web stranici," kazala je Porča. Početkom ove godine, uz redizajniranu web stranicu, Služba za odnose s javnošću uspostavila je i aktivniju komunikaciju sa građanima putem društvenih mreža. "Svjesni smo da društvene mreže, konkretno Facebook, omogućava interaktivnu i najbržu komunikaciju sa građanima, te smo ove godine aktivno radili na razvoju naše FB stranice. FB nam pruža mogućnosti kakve web stranica nema, te tako na FB plasiramo pozitivne priče i drugačije obrađene teme, pokažemo stare fotografije Starog Grada, uređujemo statute, organizujemo nagradne igre za njih i slično. Sve to rezultiralo je ove godine sa više od osam miliona pregleda općinske FB stranice i 27.000 like-ova," dodala je.

Konferencija FOCUS predstavlja platformu za povezivanje, razmjenu znanja i iskustva te definiranje smjernica novih komunikacijskih procesa. Okupila je brojne eminentne stručnjake iz oblasti odnosa s javnošću i stotinjak učesnika iz svih zemalja regije.

U Starom Gradu otvoren Servis centar „Dajte nam šansu“

Drugi Servis centar „Dajte nam šansu“ za podršku porodicama djece i osoba s poteškoćama u razvoju otvoren je u Starom Gradu, na adresi Obala Kulina bana 28. Otvorenje i rad centra omogućili su USA-ID, Općina Stari Grad Sarajevo, te partneri i prijatelji Udruženja „Dajte nam šansu“.

Servis centar su otvorili n.j.e. Maureen Cormack - ambasadorica SAD-a u BiH, Ibrahim Hadžibajrić - načelnik Općine Stari Grad Sarajevo i Amel Tuka, prvi ambasador dobre volje Udruženja „Dajte nam šansu“.

Direktorica Udruženja, Ines Kavalec kazala je da će centar raditi za sve porodice sa područja Kantona Sarajevo, a trenutno servis



centar ima registrovanih 400 porodica iz svih devet općina. Ona je naglasila da je ovo drugi

Servis centar u Kantonu Sarajevo, a prvi je otvoren prije tri godine.

Općina Stari Grad je ustupila prostor za otvaranje Servis centra „Dajte nam šansu“, a adaptaciju prostora i realizaciju programa finansirala je iznosom od oko 36.000 KM. Američka ambasadorica Maureen Cormack kazala je da se otvaranjem Servis centra na poseban način obilježava Međunarodni dan osoba sa invaliditetom. „Vlada SAD-a s ponosom učestvuje u projektu otvaranja petog Servis centra u BiH, a lično mi je drago da ovaj projekat pomaže sve većem broju porodica i djece sa poteškoćama u razvoju,“ kazala je ambasadorica Cormack.

Sport

Završen jesenji dio sportske sezone 2017/2018 za osnovce iz Starog Grada

Održane lige u fudbalu, odbojci, šahu • Učestvovali mladi sportisti iz svih starogradskih osnovnih škola

U saradnji sa svih šest osnovnih škola u Starom Gradu, ove jeseni Služba za obrazovanje, kulturu i sport Općine Stari Grad uspješno je organizovala tri ligaška takmičenja u fudbalu, odbojci i šahu. Također, Košarkaška škola BBY (Bosnian Youth Basket) je oformila košarkašku reprezentaciju Starog Grada, koja se takmičila na kantonalnom takmičenju.

Fudbalska liga Starog Grada

Najstarije, ali i najpopularnije ligaško takmičenje osnovaca u Starom Gradu, fudbalska liga osnovaca, održala se četvrti put. Nakon pet vrlo zanimljivih kola, koja su se igrala u Centru za mali fudbal Bentbaša, najbolje rezultate je zabilježio aktuelni šampion OŠ „Hamdija Kreševljaković“ i tako ima veliku priliku da odbrani titulu na proljeće 2018. godine. Priključak na tabeli drže OŠ „Edhem Mulabdić“ i OŠ „Mula Mustafa Bašeskija“, te i oni imaju šansu postati šampioni za sezonu 2017/2018. Pored borbe za titulu, na proljeće će se voditi borba i za odličje najboljeg strijelca lige. Najviše golova su postigli Faruk Dalipagić (OŠ „Mula Mustafa Bašeskija“) i Hajrudin Miftari (OŠ „Edhem Mulabdić“) po pet golova, ali tu je i mnogo kandidata sa četiri pogotka.

| | | | | | | | |
|---|--------------------------|---|---|---|---|------|----|
| 1 | Hamdija Kreševljaković | 5 | 4 | 1 | 0 | 10:1 | 13 |
| 2 | Edhem Mulabdić | 5 | 3 | 1 | 1 | 14:4 | 10 |
| 3 | Mula Mustafa Bašeskija | 5 | 3 | 0 | 2 | 10:7 | 9 |
| 4 | Vrhbosna | 5 | 1 | 1 | 3 | 3:10 | 4 |
| 5 | Šejh M.ef.Hadžijamaković | 5 | 1 | 1 | 3 | 3:13 | 4 |
| 6 | Saburina | 5 | 1 | 0 | 4 | 7:12 | 3 |

Tabela fudbalske lige

Šahovska liga Starog Grada

Šahovski klub „Stari Grad“ je, uz naravno Općinu Stari Grad, organizovao drugu sezonu šahovske lige za svoje osnovce. Jesenji prvak je OŠ „Vrhbosna“, a mečevi se igraju u prostorijama OŠ „Hamdija Kreševljaković“, koja brani prošlogodišnju titulu. Takmičenje se nastavlja na proljeće.

| Pozicija | Tim | Mečevi | Pobjede | Neriješeni | Porazi | Bodovi |
|----------|--------------------------------------|--------|---------|------------|--------|--------|
| 1 | OŠ „Vrhbosna“ | 5 | 4 | 1 | 0 | 17 |
| 2 | OŠ „Edhem Mulabdić“ | 5 | 3 | 2 | 0 | 14,5 |
| 3 | OŠ „Šejh Muhamed ef. Hadžijamaković“ | 5 | 2 | 2 | 1 | 10,5 |
| 4 | OŠ „Saburina“ | 5 | 1 | 2 | 2 | 7 |
| 5 | OŠ „Mula Mustafa Bašeskija“ | 5 | 2 | 0 | 3 | 6,5 |

Tabela šahovske lige

Odbojkaška liga Starog Grada

Ova sezona za najbolje odbojkašice osnovnih škola iz Starog Grada će se, za razliku od protekle dvije, od prvog do posljednjeg kola igrati u novoizgrađenoj sali OŠ „Mula Mustafa Bašeskija“. U prvom dijelu sezone, kojeg je činilo pet kola, titulu jesenjeg prvaka su osvojile mlade odbojkašice iz Logavine. Ipak nji-



hova bodovna prednost nad dvostrukim prvacom ovog takmičenja OŠ „Šejh Muhamed ef. Hadžijamaković“ je mala, te se očekuje zanimljiva borba za titulu i vrijedne nagrade u februaru iduće godine.

| | EKIPA | UTAKMICE | | SETOVI | | POENI | | BODOVI |
|---|--------------------------------------|----------|------|--------|------|-------|------|--------|
| | | POB. | IZG. | POB. | IZG. | DOB. | IZG. | |
| 1 | OŠ „Mula Mustafa Bašeskija“ | 5 | 0 | 10 | 2 | 265 | 215 | 10 |
| 2 | OŠ „Šejh Muhamed ef. Hadžijamaković“ | 4 | 1 | 9 | 2 | 266 | 152 | 8 |
| 3 | OŠ „Saburina“ | 3 | 2 | 6 | 5 | 218 | 217 | 6 |
| 4 | OŠ „Vrhbosna“ | 2 | 3 | 5 | 7 | 218 | 249 | 4 |
| 5 | OŠ „Hamdija Kreševljaković“ | 1 | 4 | 4 | 8 | 221 | 255 | 2 |
| 6 | OŠ „Edhem Mulabdić“ | 0 | 5 | 0 | 10 | 155 | 250 | 0 |

Tabela odbojkaške lige

Košarkaške selekcije Starog Grada

Košarkaški klub u Školi košarke BBY (Bosnian Basket Youth), koja od prošle školske godine u četiri starogradske osnovne



škole održava treninge, oformila je tri košarkaške selekcije Starog Grada za kantonalno takmičenje. Radi se o ekipama: minibasket (košarkaši) rođeni 2005. i mlađi, minibasket (košarkašice) rođene 2005. i mlađe, i kadeti (košarkaši) rođeni 2001. i mlađi. S obzirom na premijerni nastup ovih ekipa, rezultat nije bio u prvom planu. No ističe se da je u novembru u OŠ „Mula Mustafa Bašeskija“ organizovano redovno kolo kantonalne lige kada je oko 300 stotine mladih košarkašica i košarkaša, uzrasta od 7-12 godina odigralo svoje utakmice. Događaj je pratilo oko 1.000 gostiju, roditelja i zaljubljenika košarkaškog sporta, veliki udio u organizaciji kola su imali KK BBY i Općina Stari Grad.

Genijalci iz Starog Grada napravili najbolji video na svijetu o budućnosti robotike

Roboti danas hodaju Marsom, koriste se u medicini, za razvoj mehanike, a u budućnosti će sami izvoditi operacije

nad ljudima i odlučivati da li im se nešto sviđa ili ne.

Tvrde ovo učenici OŠ „Vrhbosna“ sa Mošćanice koji su o tome napravili i video, preveli ga na kineski jezik i zapuhtili se na svjetsko takmičenje u Šangaju.

Njihov video proglašen je u Šangaju, ni manje ni više nego najboljim na svijetu!!! Galib Pleho (14), Abdullah Išerić (14) i Halima Išerić (12) za takmičenje su se pripremali sa nastavnikom Asmirom Zi-

mićem koji ih je i pratio u Šangaj, te proveo sa njima sate i sate pripremajući se za takmičenje.

Genijalce sa Mošćanice ugostio je načelnik Općine Stari Grad Ibrahim Hadžibajrić koji je želio lično upoznati djecu za koju kaže da za svoju budućnost ne trebaju brinuti kada ovako mladi postižu svjetske rezultate. Općina Stari Grad izdvojila je sredstva za odlazak ekipe u Šangaj, a načelnik Hadžibajrić je članovima tima uručio i novčane nagrade u želji da barem malo nagradi njihov uspjeh.

„Kada djeca od 12 i 14 godina planiraju budućnost robotike u zemlji koja čak nema ni licencu za ovakve vrste takmičenja, a za odlazak na takmičenje prikupljaju donatorska sredstva, i postignu ovakve rezultate to je zaista veliki uspjeh. Želio sam ih upoznati i čestitati im, a oni su me oduševili svojim razmišljanjem i planovima koje imaju,“ kazao je Hadžibajrić.

Ljudi u Šangaju rade više od očekivanog

A, Galib, Abdullah i Halima se ne hvale puno svojim uspjesima i skromno kažu da im prijatelji iz škole čestitaju na uspjehu, ali i pomalo zavide na odlasku u Šangaj i izostanku sa nastave. Šangaj su doživjeli kao grad budućnosti. „Vidjeli smo puno novih stvari, a impresionirali su nas strast i zalaganje ljudi. Kod njih je kulturno da ljudi rade više od onog što se od njih poslom očekuje,“ kazao nam je Galib. Njihovi planovi su veliki, vjeruju da je budućnost u robotici i namjeravaju i dalje raditi ono u čemu su tako dobri, a da li će ljudi zaista jednog dana dozvoliti robotima da upravljaju njihovim životima, ni sami nisu sigurni.



Uspješno predstavili BiH u Šangaju

Predstavljamo uspješne male privrednike iz Starog Grada

Atarstvo još živi na Bašćaršiji

Zahvaljujući bistričkoj porodici Lušija, ocu Nihadu i sinovima Adnanu, Zejdu i Tariku, atarski zanat ima svoje mjesto u srcu Starog Grada

U zasigurno najmirisnijem malom prostoru na Bašćaršiji, u ulici Mali ćurčiluk nalazi se zanatska radnja „Kalem i Misk“. Tu su nas srdačno dočekali mlada braća Adnan i Zejd Lušija, te na početku priče pojasnili kakav je to zanat atarstvo. „Atarstvo je vrlo širok pojam, a tiče se raznih proizvoda od biljnog i životinjskog porijekla. Ipak, ono čime se mi primarno bavimo je proizvodnja i prodaja ljekovitih i mirisnih ulja i parfema. Počeci ovog zanata datiraju još u vrijeme stare Indije. Razvojem arapske civilizacije, atarstvo se počelo širiti prema Evropi gdje je to i dan-danas vrlo cijenjena djelatnost“, kazao je na početku razgovora Adnan i dodao da ovaj zanat još uvijek nije dovoljno prezentovan u našem gradu, ali ni u zemlji.

Ideja oca Nihada pretvorena u stvarnost

Nihad Lušija je, za vrijeme studija 80-ih godina u Turskoj, imao priliku upoznati se sa ovom vrstom zanata, te se vrlo brzo rodila ljubav, a samim tim i želja za pokretanjem slične djelatnosti u Sarajevu, do koje je, spletom raznih okolnosti, došlo puno kasnije. „Na jesen 2014. godine otvaramo ovu radnju, zahvaljujući dogovoru oca i njegovog prijatelja, profesora kaligrafije Čazima Hadžimejlića, koji posjeduje pravo na zakup ovog općinskog prostora“, ispričao nam je Adnan, te naglasio da je ovo jedino mjesto gdje se možete susresti sa prirodnim uljima i ručnim spravljanjem parfema.



Upravo to najviše ističu braća Lušija, da kupac ovdje ovisno o svojim željama može dobiti mirisno ulje ili sprej: „Nekad su mušterije znale provesti ovdje i po dva sata do dobijanja željenog proizvoda, ali to je ujedno bilo i ugodno druženje“.

Materijale i sirovine nabavljaju posvuda, neki se mogu proizvoditi u njihovoj radnji, dok određena ulja nabavljaju širom svijeta iz daleke Indonezije, Malezije, Kambodže, Saudijske Arabije. „Ipak najviše saradujemo sa Turskom, koja kao centar mnogih trgovinskih tokova, zaista posjeduje skoro sve što trebamo“, dodao je Adnan.

Raznovrsne i vjerne mušterije

„Iako je početna ciljna grupa bila ona između 18 i 25 godina starosti, ipak je to

Neočekivana popularnost u Turskoj

„Nakon priče o našoj djelatnosti, koju je napravila poznata turska novinska agencija Anadolija, neočekivano su počele dolaziti veće grupe ljudi iz te zemlje. U razgovoru sa njima smo saznali da je priča prenesena na nekoliko njihovih poznatih portala, blogova, pa čak i na nacionalnoj televiziji TRT,“ kazali su Adnan i Zejd i kroz smijeh dodali da je im je u Turskoj rečeno da se radi o najpoznatijoj radnji u srcu Sarajeva.

bila loša procjena, jer zainteresovani za našu ponudu su uglavnom iznad 25 godina starosti“, kažu braća Lušija okrivljujući za to početno neiskustvo. Ono što ih posebno raduje je da se većina mušterija vrati i dovede još novih kupaca: „Zahvaljujući pozitivnim komentarima na društvenim mrežama Facebook, TripAdvisor i Instagram, privukli smo pažnju stranih mušterija, koji opet dovode ovdje svoje poznanike“, zadovoljno govore Adnan i Zejd i kažu da kupci dolaze iz regije, ali i iz zemalja Evropske unije i Turske.

Adnan i Zejd su mišljenja da se od ovog posla vrijednim radom i stalnim napredovanjem može živjeti: „Trenutno imamo određenih administrativnih problema sa registracijom obrta, ali vjerujemo da ćemo to ubrzo riješiti sa nadležnim organima, sa kojim imamo jako dobru saradnju. Nadamo se da će ubrzo Općina Stari Grad dodatno zaštititi ovaj zanat, te smo sigurni da naše postojanje neće doći u pitanje,“ rekli su na kraju razgovora braća Adnan i Zejd.



Stavo Sarajevo

Piše: **MUFID GARIBIJA**, sarajevski arhitekta

Morića han

Isam osnivač Sarajeva Gazi Isa-beg Ishaković među svojim brojnim zadužbinama podigao je i jedan ogroman karavansaraj (današnji Kolobara han), te musafirhanu uz njegovu tekiju na Bentbaši. Tako su od samog početka postojanja našeg grada, svi dobronamjerni gosti bili dobrodošli. Urbana ekonomska i kulturna ekspanzi-

Konstrukcija gornjeg sprata sa sobama je oslonjena dijelom na preko stotinu snažnih hrastovih greda, koje počivaju na kamenim stopama (tabanima) kako ne bi trunule u kontaktu s vodom i tlom. Stropovi u magazama bili su protivpožarni (atešten-emin). Plafoni su pravljani tako da požar sa sprata ne može prijeći

jih je dim odlazio u tavan, pa napolje. Vodu je dobijao iz Gazi Husrev-begovog vodovoda sa vrela Crnil, ali je imao i svoj bunar, koji se i danas nalazi u hanskome dvorištu.

Morići pogubljeni u tvrđavi i opjevani u sevdalinci

Požari nisu zaobilazili Morića han. Zadnji put je gorio 1957. godine, ali je 1970-tih detaljno obnovljen. Rekonstrukciju su vodili arhitekti Kurto, Redžić, Bećirbegović i Čelić, a objekat je po završetku predat ugostiteljskoj firmi „Balkan“.

Nakon obnove postao je poznat po perzijskom restoranu, ali i po unutrašnjosti ukrašenoj rubajama (poemama) pjesnika Omera Hajjama, na perzijskom i bosanskom jeziku.

Novi han je polovinom 18. stoljeća zakupio jeničerski zapovjednik Mustafa Morić, po kojemu je ubrzo i prozvan Morića han. Njegovi sinovi hadži Mehmed i Ibrahim-aga bili su predvodnici desetogodišnje pobune Bosanaca protiv nepravde koja je tada vladala u Osmanskom carstvu. Pobunu spominje i ljetopisac Bašeskija. Morići su pogubljeni u tvrđavi, 1747. godine, a cijeli događaj je ostao zabilježen u poznatoj sevdalinci u kojoj je opjevano njihovo pogubljenje, tuga njihove majke i strogoća njihovog strica, sarajevskog paše, koji je proveo kaznu.



ja koju je grad doživio za vrijeme Gazi Husrev-bega dovest će do pojave velikog broja hanova.

Gazi Husrev-begovom vakufu pripada i Morića han, ili kako se nekada zvao Novi han. Rađen je po uzoru na Han Kolobaru, podignut u 17. stoljeću u Saračima, najprometnijoj bašçaršijskoj ulici.

Gornji sprat položen na više od stotinu hrastovih greda

U prizemlju se nalazila konjušnica za 70 konja, magaze, stjeništa za konje, te prostorije za hizmećare (sluge). Na spratu je bilo oko 40 soba koje su mogle primiti i do 300 gostiju.

Morića han je poseban jer ima središnje, otvoreno dvorište (atrijum), koje je po rubovima natkriveno trijemovima kako bi dio posebno kaldrmisane avlije bio siguran od kiše i snijega. Tako se lakše pretovarala roba i prtljag putnika.

u prizemlje, a dodatnu sigurnost davala su lučna masivna vrata od kovanog željeza, kao i prozori sa demirima.

Pored toga što je han imao posebno kupatilo i wc (čeniću), sve su sobe bile opremljene ognjištima, iz ko-



40



*Općina Stari Grad Sarajevo
zahvaljuje se prijateljima projekta
“Općina slavi 40. rođendan”*



*Čevabdžinica
Dženita*

*Restoran
„Vidikovac“*

*Dibek-tucana
kahva*

*Salon ljepote
“Eden”*

*Slastičarna
„Vijećnica“*

*Frizerski salon
“Best Style”.*

*RKUD
“Proleter”*